

Kvennalistinn og EES

Stefnan óbreytt en mismunandi sjónarmið viðurkennd

Selfossi.

ANDSTADA Kvennalistans við EES og EB var áréttuð á landsfundinum á Laugarvatni um helgina og minnt á að ákvarðanir landsfundarins væru stefnumarkandi fyrir starfsemi hans innan þings sem utan. Áhersla er lögð á að ekki er gerð krafa til kvennalistakvanna að þær greiði atkvæði gegn eigin sannfæringu. Þetta kemur fram í ályktun landsfundarins um afstöðuna til EES.

Á landsfundinum komu fram skiptar skoðanir varðandi afstöðuna til EES. Ingibjörg Sólrún Gísladóttir talaði fyrir jákvæðari afstöðu gagnvart Evrópska efnahagssvæðinu en Kristín Ástgeirsdóttir formaður þingflokks Kvennalistans ítrekaði eindregna andstöðu við samninginn.

Ingibjörg Sólrún sagði ályktunina frá landsfundinum eins og búast hefði mátt við. „Ég gerði ekki kröfu um kúvendingu í afstöðu Kvennalistans. Ég óskaði eftir umræðum og að það yrði viðkennt að sú rödd ætti heima innan Kvennalistans sem væri ekki jafn gagnrýnin og yfirlýst afstaða. Á Alþingi er ég fulltrúi og þarf að taka tillit til þess. Ég er efnislega á þeirri skoðun að fara EES-leiðina í samskiptum við EB en það er ótalmargt í tengslum við EES-samninginn sem ég er ekki sátt við, svo sem stjórnarskrárþáttinn og fiskveiðimálin,“ sagði Ingibjörg Sólrún.

„Ég er ánægð með að sameiginleg niðurstaða náðist og að afstaða Kvennalistans til EES og EB er óbreytt,“ sagði Kristín Ástgeirsdóttir. „Þingflokkurinn á eftir að taka afstöðu til þess hvernig tekið verður á málinu á þingi og hvernig sjónarmið Kvennalistans verða túlkuð. Talsmaður okkar í utanríkismálanefnd er á annarri skoðun og það vekur margar spurningar og er meðal þess sem við eigum eftir að ræða. Mér finnst að talsmaður þingflokksins í þeirri nefnd verði að gæta sanngirni gagnvart mismunandi sjónarmiðum okkar,“ sagði Kristín Ástgeirsdóttir.

ókunnu fólki, fengið að hringja og komið þannig skilaboðum til Björns Halldórssonar um að hinn ákærði væri einn í bíl með allt fíkniefnið við Sundlaugararnar en þar hófst svo eftirförin þegar lögreglumenn reyndu að handtaka ákærða.

Í gær voru einnig yfirheyrðir tveir þeirra lögreglumanna sem reyndu að handtaka ákærða á bílastæðinu við Sundlauginna í Laugardal og tóku þátt í eftirförinu sem leiddi af þeirri tilraun. Eftirförinu lauk með því að eins og kunnugt er að bíl ákærða var ekið aftan á lögreglubíl á Vesturlandsvegi með þeim afleiðingum að eldur gaus upp í lögreglubílnum og annar lögreglumannanna sem í honum voru hlaut lífshættulega og varanlega áverka. Ákærða er síðan gefið að sök að hafa lagt til eins lögreglumannanna með skærum.

Í máli annars lögreglumannanna kom fram að hann teldi að ákærði hefði ekið viðstöðulaust aftan á lögreglubílinn án þess að gera tilraun til að stöðva eftir að hafa skömmu áður tvívegis ekið í hlið ómerkts lögreglubíls sem ók með aðvörunarljósum samhliða flóttabílnum. Mennirnir lýstu eftirförinu á 130-160 km/klst hraða frá Sundlaugunum og upp í Mosfellsbæ þar sem henni lauk með árekstrinum og síðan átökum við ákærða þegar hann var handtekinn en við það var meðal annars beitt táragsi. Í máli þeirra kom fram að ákærði hefði reynt að verjast handtöku með því að segjast vopnaður byssu sem hann mundi beita en síðan hefði hann veist að öðrum lögreglumannanna með skæri á lofti. Hvorugur lögreglumannanna vissi til að ákærða hefði verið gert grein fyrir réttindum sínum við handtöku og hvorugur kvaðst vita til að hann hefði sætt óþarfa harðræði eða hótunum um ofbeldi eftir handtökuna.

Konur eru ekki varavinnuafli

Í ályktun um atvinnumál benti landsfundurinn á að skráð atvinnuleysi gefi ekki rétta mynd þar sem stórir hópar fólks eigi ekki rétt á atvinnuleysisbótum og séu því ekki á skrá. Einnig er lögð áhersla á að koma verði í veg fyrir að konur séu meðhöndlaðar sem varavinnuafli og ýtt út af vinnumarkaðinum.

Kvennalistinn bendir á nokkur úrræði í atvinnumálum sem stjórnvöld geti gripið til og nefnir að aukin samfélagsþjónusta sem stjórnvöld geti gripið til og að aukin samfélagsþjónusta sé ekki síður arðbær en vegavinna, bygging barnaheimila og þjónustubúða fyrir aldraða sé mjög hagkvæm og að semja eigi um styttingu vinnutímans til að draga úr fjöldauppsögnum. Stórefla eigi rannsóknar- og þróunarstarfsemi, auka endurmenntun, efla atvinnuþróunarfélög og ráða til þeirra konu sem atvinnuráðgjafa. Lækka þurfi orkuverð til fyrirtækja, lækka vexti, auka fé til ferðaþjónustu, efla rannsóknir á vishæfri framleiðslu og hvetja fyrirtæki til slíkrar starfsemi. Loks er áhersla lögð á að efla frumkvæði og efnahagslegt sjálfstæði kvanna varðandi eigin atvinnusköpun.

Auka þarf fullvinnslu afla

Í sjávarútvegsmálum er lögð áhersla á endurskoðun fiskveiðistefnunnar og lagt til að byggðakvóti óbundinn skipum verði tekinn upp. Í einstökum málum sjávarútvegsins vill Kvennalistinn að togveiðilandhelgin verði hvergi minni en 12 mílur, afla verði landað hér á landi og hann veginn á löndunarstað, markvissar rannsóknir verði teknar upp í fiskeldi og lúðveldi, starfsemi afla- nýtinganefndar verði studd og áhersla lögð á frekari fullvinnslu afla hér á landi ásamt því að jafna kostnað og aðstöðu vinnslu á sjó og í landi.

Peir ríku borgi

Í ályktun um ríkisfjármál er lögð áhersla á að bregðast við vandanum strax. Varað er við handahófskenndum niðurskurði en áhersla lögð á að forgangsraða verkefnum með framtíðarsýn í huga. Til tekjuöflunar er bent á hert eftirlit með skattsvikum, hátekjuskatta, lúxusskatta og skatta á fjármagnstekjur. Lögð er þung áhersla á að þær aðgerðir sem gripið verði til bitni ekki á þeim sem verst hafa kjörin en að þeir sem mest bera úr bótum borgi eins og þeir hafi efni til. Þá lýsir Kvennalistinn sig reiðubúinn til viðræðna við aðila vinnumarkaðarins og stjórnmalaflokkana um leiðir til lausnar á þeim erfðleikum sem við blasa.

Varðveisla umhverfis er öryggismál

Í öryggismálum er aðaláhersla Kvennalistans á nýja skilgreiningu sem byggir á varðveislu umhverfis fremur en hernaðarstyrk. Það kalli á nýjar aðferðir til að tryggja sameiginlegt öryggi. Í því sambandi leggur landsfundurinn áherslu á mikilvægi Sameinuðu þjóðanna og Ráðstefnunnar um öryggi og samvinnu í Evrópu en hafnar sem fyrr hernaðarbandalögum.

Frá landsfundinum voru sendar kveðjur til Suðurnesjakvanna þar sem minnt er á sérstöðu kvanna og að þær séu ekki síðri fyrirvinnur en karlar.

Sig. Jóns.